



SLUŽBENE NOVINE

KANTONA SARAJEVO

Godina XVI – Broj 17

Petak, 8. jula 2011. godine
S A R A J E V O

ISSN 1512-7052

Na osnovu čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst) i tačke Va. Odluke o uslovima i načinu korištenja sredstava ostvarenih po osnovu posebnog poreza za zaštitu od prirodnih i drugih nesreća ("Službene novine Federacije BiH", br. 46/05 i 61//07), Vlada Kantona Sarajevo, na 26. sjednici održanoj 7. jula 2011. godine, donijela je

ODLUKU O UTVRĐIVANJU KRITERIJA ZA DODJELU SREDSTAVA OPĆINAMA NA PODRUČJU KANTONA SARAJEVO I DRUGOM KANTONU, OSTVARENIH PO OSNOVU POSEBNOG POREZA ZA ZAŠTITU OD PRIRODNIH I DRUGIH NESREĆA, KOJA PRIPADAJU KANTONU SARAJEVO

Član 1. (Predmet Odluke)

Ovom odlukom utvrđuju se kriteriji za dodjelu do 50% neutrošenih sredstava za zaštitu i spašavanje iz prethodne godine iz tačke V. stav (4) Odluke o uslovima i načinu korištenja sredstava ostvarenih po osnovu posebnog poreza za zaštitu od prirodnih i drugih nesreća ("Službene novine Federacije BiH", br. 46/05 i 61//07), u skladu sa članom 183. stav (1) tačka 5) Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", br. 39/03, 22/06 i 43/10) općinama na području Kantona Sarajevo (u daljnjem tekstu: općina) i drugom kantonu.

Član 2. (Način i kriteriji za dodjelu pomoći)

(1) Sredstva iz člana 1. ove odluke koja pripadaju Kantonu Sarajevo dodjeljuju se kao pomoć općinama i drugom kantonu na način predviđen u Odluci o postupku i kriterijima za dodjelu jednokratne novčane pomoći općinama na području Kantona Sarajevo i drugim kantonima za otklanjanje šteta nastalih od prirodnih i drugih nesreća ("Službene novine Kantona Sarajevo", broj 10/11).

- (2) Za dodjelu sredstava iz stava (1) utvrđuju se sljedeći kriteriji:
- a) da je formirana služba civilne zaštite općine, odnosno kantonalna uprava civilne zaštite drugog kantona;
 - b) da je formiran štab civilne zaštite općine, odnosno kantonalni štab drugog kantona;
 - c) da je donesena procjena ugroženosti općine, odnosno drugog kantona;
 - d) da je donesen pro gram razvoja zaštite i spašavanja od prirodnih i drugih nesreća općine, odnosno drugog kantona;
 - e) da je za općinu, Zakonom o izvršavanju Budžeta Kantona Sarajevo utvrđen grant zbog slabe ekonomske moći te općine, odnosno za drugi kanton Zakonom o izvršavanju Budžeta Federacije Bosne i Hercegovine utvrđen grant zbog slabe ekonomske moći tog kantona;
 - f) da je prihod općine, po osnovu posebne naknade za zaštitu od prirodnih i drugih nesreća, manji od 30% od prosjeka ukupnih sredstava svih općina u Federaciji Bosne i Hercegovine iz prethodne godine i
 - g) da je zahtjev kojim općina, odnosno drugi kanton traži pomoć adekvatno obrazložen i dokumentovan.

Član 3.

(Stupanje na snagu)

Ova odluka stu pa na snagu narednog dana od dana objavljivanja u "Službenim novinama Kantona Sarajevo".

Broj 02-05-21535-12/11

7. jula 2011. godine

Sarajevo

Premijer

Fikret Musić, s. r.